

四
診
脉
鑑
大
全

四診脉鑑大全序

自神農作本草軒岐撰靈素而脉
病有機方藥有祖醫道始立民病
賴焉繼其後者代有傳人亦代有
傳書要皆識參造化學貫天人者
方能洞徹醫理吾郡神於醫者

國朝初推李秦施三君俱有著述行
世雖未盡覽皆本諸內經銅人圖
說以綜攬前言昭示來學而士材
尤挾兩家之奧士大夫雅重之此
三君者俱百年以內人爾其歷代
醫師自三皇時以迄金元最著者

得一百九十一人而有明三百年
間著書立言指不勝屈亦云盛矣
他如潤州何氏吳興凌氏馳譽東
南治病多効總之一十三科代不
乏人人不乏書各有專家著不相
襲然而其義略同也王君惠源為

吾郡士人而寄籍金閭以經偉英
才固母病而工長素之術駸駸乎
有度越前人之勢富於著作癸酉
春以醫學原始見示觀其首三元
神元質一論詳父母生人之始明
命之本貫天地之所以然闡儒

易之理宗靈素之旨發前人之未
言且得海外秘學參悟胸合真聰
明博學兼而有之矣今又以四診
大全壽梓明氣候寒溫陰陽虛實
脉理之奧條列望聞問切五圖註
釋診脉有論驗病有訣如鼓應桴

洞若觀火至司天運氣無不臚列
顯暢真為脉學之大金後學之真
詮雖和緩復起扁鵲再生亦莫踰
其學也余自壬申冬猝感風痺僵
卧三日夜始甦兩年以來藥累無
靈病態自若如玉君焚材晉用則

不能而無私憾焉

康熙三十三年歲次甲戌清和月
年家眷弟許纘曾禔

四診脉鑑自序

醫學典籍浩繁病機脉理幽深欲作大醫須明四診學雖務於廣博功宜殫乎精要撮其奧旨則有四焉曰望曰聞曰問曰切望而知之謂之神聞而知之謂之聖問而知之謂之工切而知之謂之巧醫不知四要則所向便錯何能起沉疴於瀕危之際哉但望聞之學靈機活潑廣博無窮近世置而不講余慨世

自序一

學日盲醫派日非不揣固陋討尋靈素詳究
諸家彙輯而編次之以爲後學之一鑑然脉
理精微其體難辨兼有數候俱見異病同脉
之惑是脉之一字最爲關切前人雖經講論
而脉之原始後人蒙昧未能盡徹殊不知脉
乃人身生活之機知覺運動之本晝夜循環
而不息者也一有停滯脉即見之故百病之
機無不從茲而得悉焉攻醫者若不次第講

明則臨病鮮不惘然因條晰診脉之活法男女老幼之不同五藏有四時之診覆溢有稟質之異關格脉名有病名之誤娠妊之脉詳診明確可預判男女之的死絕怪脉非獨雀啄蝦遊之七脉陰陽脫絕之四脉也至浮沉等之二十七脉本文之外逐一發明攷釋而辨誤又列之以參治活法使學者一目了然臨證有心領神會之機若夫三因之感受五

自序二
運六氣之時令司天在泉對正之化脉有不
應之診病有時行之變盡皆闡發無遺學者
而能熟讀玩味自有神化決生判死洞垣之
功豈有異秘之術哉是爲序

康熙三十二年清和月

古吳浩然王宏翰謨

四診脈鑑大全目錄

卷之一

醫源道出上古神聖後世學淺無恆輕視論

脈源論

察色審音能入神聖之工論

望形察色明堂部位圖總論

靈樞明堂部位圖

藏府肢節明堂部位圖

明堂部位察色法論

望形察色知生死論

卷之二

聞聲審音知生死論

察色審音秘授決病生死訣

形脉相反訣

傷寒死絕證訣

卷之三

問證詳診論

啟蒙問證法

卷之四

診脉樞要十二法

診脉之道須調己息法 按寸關尺法

脉上魚際脉入尺澤分別平病法

三部脉配上中下三焦法

三部九候詳診藏府之脉法

人迎氣口脉法 六部驗脉知平病法

察時脉與胃脉法 取脉有綱領法

脉有表裏虛實之診法 察脉有無神氣法

診脉辨明五虛五實法

男女老幼所稟不同脉各異診論

七診雖見九候皆從者不死

卷之五

五藏有四時之脉診要須明平病真藏脉法論

肺藏脉法

心藏脉法

脾藏脉法

肝藏脉法

腎藏脉法

三因脉法論

南政北政有不應之脉法論

南政司天脉不應圖 北政司天脉不應圖

六氣之脉應節候之診法

反關脉論

衝陽太谿太衝脉論

尺中神門脉非神門穴論

脫陰脫陽脉論

七衝門陰絕陽絕脉論

怪絕七脉論

怪絕七脉訣

諸痧有宜忌之脉法

論七表八裏九道之非

用藥不可遲過論

卷之六

六部候藏府之脉詳辨內經部位立圖畫一論

左手脉部位圖

右手脉部位圖

診脉藏府部位訣

二十七脉

浮陽

沉陰

遲陰

數陽

滑陽中陰 瀉陰 虛陰 實陽

長陽 短陰 洪陽 微陰

緊陽 緩陰中陽 芤陽中陰 弦陽中陰

革陰 牢陰中陽 濡陰 弱陰

散陰 細陰 伏陰 動陽

促陽 結陰 代陰

卷之七

關格二脉論 覆溢二脉論

奇經八脉

督脉

任脉

衝脉

陽蹻脉

陰蹻脉

帶脉

陰維脉

陽維脉

卷之八

婦人妊娠診分男女脉法

死絕脉有十四可決短期法

逍遙館脉綜六氣配六部圖診脉發病辨誤論

卷之九

運氣摘要

司天運氣總論

五行五音生成總圖

司天在泉正化對化圖 主氣客氣總圖

子午歲氣熱化之圖 丑未歲氣溼化之圖

寅申歲氣火化之圖 卯酉歲氣燥化之圖

辰戌歲氣寒化之圖 巳亥歲氣風化之圖

六氣交節日圖

九宮八風分野圖

九宮八風圖

運氣十一法

運氣司天合曰天符 運氣臨本氣曰歲會

太過之運與在泉合曰同天符

歲會同天符

不及運與在泉合曰同歲會

天符歲會相合曰太乙天符

運合四孟月曰支德符

天氣生運曰順化

天氣克運曰天刑逆

運剋天氣曰不和

六氣天時訣

六氣民病訣

主運訣

客運訣

司天在泉訣

主氣訣

客氣訣

二十四氣七十二候生旺可推運氣盛衰章

浩然著集書目

醫學原始 九卷

本草性能綱目 三十卷

四診大全 九卷

性原廣嗣 五卷

古今醫史 九卷

古今醫籍志 九卷

傷寒纂讀

九卷

方藥統例

九卷

刊補明醫指掌

十八卷

女科機要

九卷

幼科機要

五卷

急救良方

一卷

乾象坤圖洛致

十八卷

醫源金大全卷之一

雲間浩然子惠源王宏翰著

男 聖來王兆文

聖發王兆武

聖啟王兆成較

醫源道出上古神聖後世學淺無恆輕視論

洪濛之世淳朴全道恬澹神守人無夭札盡樂其天年

厥後風氣漸開情竇日啟民疾生焉古聖惻憫濟世

而醫道始起神農辨藥性制本草黃帝究百病詳選

氣咨岐伯而靈素出。桐君撰藥性。伊尹制湯液祛疾
療人。皆古神聖也。憫蒼生之疾苦。立經立典。垂訓於
後萬世。賴焉。故醫爲仁德之本。操活人之權。古云造
化者萬物之司。命人君者三才之司。命將帥者三軍
之司。命而醫者。又自天子以至庶人之司。命也。其關
系淺渺哉。必也學貫天人。博通古今者。始可謂之
大醫也。然醫之一道。乃儒門事親之本。古來聖君賢
相。無不知醫也。玄晏先生曰。人受先人之體。有八尺
之軀。而不知醫理。此所謂遊魂耳。雖有忠孝之心。慈

惠之性君父危困赤子塗地無以濟之此聖賢所以
精思而極論之玄晏之論謂儒者學貫天人務必知
醫也何況攻醫者豈可不深究而造精洞微也乎今
世之人心無仁德之恆才乏天人之學妄指醫爲技
業輕視而淺習之殊不知醫之論有二曰道曰業曰
道者儒醫也即明良醫也德與良相竝曰業者時醫
也即名庸醫也難與儒醫竝故志道者學從儒理溯
源知本參天地化育之旨明氣域運行之機然後知
我身之小天地與覆載之大天地兩相吻合身乃性

元之基知覺運動之本究有生之初受胎受性之原

明乾坤絪縕之理男女化育之奧

詳性原廣嗣

了然於胸

中者此謂之儒醫也良醫也若止以誦詩訣集驗方
不究原本之學則失乎仁德之本有肅殺之權而無
回春之力貿貿然作糊口術者此謂之時醫也庸醫
也二者學隔霄壤自難同語也世之褻視醫道者因
宋人未明醫道之大本妄列醫爲九流之首殊不知
大醫大儒道無二理上古儒醫盡性格物洞徹造化
良有真傳歷世久遠書籍散亡晦菴謂致知格物而

今亡矣。故儒與醫迥分兩途。然今之儒亦無真儒。不
入於釋。則入乎老。無怪乎醫道之日岐也。後世謂醫
道通仙道。斯言一出。頓使漸入怪誕。創立不死之丹。
惑世害人。以致遊僧道流。異言異服。或以玄學鼓惑。
或借仙傳謀利。不但戕賊愚人。而王公士大夫亦爲
之所惑。種種難以盡述。總之扣其胸中。毫無正學。而
致知格物之功。置之不問。博愛濟人之心。泯然不及。
似難與儒並驅。則仁道之源先失矣。何以言醫。余痛
世人之沉淪而不覺。恐久沒然。故有是論。

脉源論

人稟陰陽之和以生長而生生不息者皆由男女媾合得元質稟生而受天命之性也。人一生此身卽有此脉。蓋身具有營衛表裏藏府之異。其清陽在上濁陰在下。經有十二。絡有十五。骨節三百六十五。毛竅八萬零四千。此皆應天地之數也。古之脈字從血從爪。所以使氣血各依分派而行經絡也。今之脉字從月從永。乃脉在血肉之內。使血運行而不滯。永久而保天年也。脉名有三。一曰命之本。二曰氣之神。三曰形。

之機經所謂天真者是也至于折一肢瞽一目亦不能害生而脉之不可須臾失也失則絕命害生也春之生也我之脉與天地之氣而同升夏之長也我之脉與天地之氣而同浮秋之收也我之脉與天地之氣而同降冬之藏也我之脉與天地之氣而同沉分而言之曰氣曰血總而言之惟脉運行氣血而已蓋穀氣入胃脉道乃行穀氣多則氣血榮昌脉亦盛矣穀氣少則氣血微弱脉亦衰矣故曰四時以胃氣爲本脉無胃氣則死矣然人一離母腹時便有此呼吸

之脉不待穀氣而有也。此得先天稟受之脉也。雖然設無穀氣積而養之。則日餒而痺。呼吸何賴以行。謂呼吸得資穀氣而行。非謂呼吸之脉屬穀氣也。此得後天資養元質之脉也。是真氣言體。穀氣言用也。夫脉莫非血乎。血爲營。營者。水穀之精氣行於脉中者也。莫非氣乎。氣爲衛。衛者。水穀之悍氣行於脉外者也。穀氣之清者爲營。濁者爲衛。言營爲血者。非也。乃營氣化而爲血爾。但脉之爲體者。其源乃胃化飲食而成白色如乳粥之凝。肝有多細脉絡。吸胃化膏脂以入肝。餘糟

粕乃入大腸而爲大便也肝以所翕之精華化爲四

液

詳在胃學原始

其至純之血液從肝入心心細煉甚熱至

純之血併生活至細之德流灌于脉絡以運周身其

脉性貼於血絡之下使血運行而不滯也故氣血乃

脉之用而氣血能使脉之盛衰也是脉乃人生活之

根知覺運動之本心主脉心能寧靜則周身之脉亦

運動調而不妄促也故脉得氣血之先乃先天之稟

受後天之資養元質之性也人一身之上下皆真元

之機也而氣口爲之總會故得以知藏府之疾病而

決死生也。人一呼，脈行三寸。一吸，脈行三寸。呼出心
與肺，吸入腎與肝。肺主呼吸，天道也。腎主閏關，人道也。呼吸定息，合行
六寸。一日一夜，凡一萬三千五百息。脈行五十度，周
于身，合行八十一丈。漏水下百刻，營衛行陽二十五
度，行陰亦二十五度。每二刻，則周身一度也。

察色審音能入神聖之工論


夫望形察色聞聲審音生死可決於耳目玄妙素稱於神聖實大醫之要領今人置而不講安能起沉痾而操司命之權哉昔醫和診晉平公之疾而不可爲又知良臣將死天命不佑之言扁鵲見齊桓侯之色知病初在腠理而王不聽後知在骨髓而却步難醫者此和鵲皆得色脉之玄奧故診驗如神豈有異人之目而洞見藏府者乎愚雖不敏心切欽仰不憚寒暑廣博搜輯但色診吉凶軒岐詳備於靈素而藏府部

分及淺深散搏等法。惟靈樞最悉。而玄臺註釋明晰。至仲景傷寒叔和脉經所載。決病之生死。猶爲喫緊。余又博採諸家之精髓。逐一辯晰。而條論彙爲圖而部分之。使察色審音。可得何經之病。何藏之絕。決生判死。了然於胸中。庶臨證得以有據。預爲決斷。稍爲後學之大綱。若欲再盡其神。猶當廣博而運用也。


望形察色明堂部位圖總論

明堂之配藏府部位乃黃帝訓雷公之秘旨。猶素問以藏府之脉分配寸關尺。上竟上而下竟下以候藏府胸腹之病也。後世止知三部九候之診。能決生死而不知明堂之部分相通藏府色脉之吉凶。內外不爽。是以經云。上古使儻代季理色脉而通神明。此通神明者。卽隔垣內紹之神明也。余又採諸家之論。符合藏府者詳究分別。彙爲二圖。倘諸同志更得其精微者。尤望其究心以彰大道也夫。

靈 樞 明 堂 部 位 圖



藏府肢節部分察色圖



明堂部位訣

望形察色變無窮明堂部位要精明先將藏府分明白
庭爲首面闕咽喉闕中屬肺下極心直下左膽右爲
肝肝下屬脾方上胃中央大腸腎兩傍當腎臍間下
小腸面王膀胱子處當鼻以上更有肢節還須察額應
平肩髃後臂臂下爲手皆額位目內眥上屬膺乳挾
繩而上應乎背牙車爲股中央膝膝下爲脛脛下足
巨屈膝臍巨分股熟讀部位合色脈決生判死道稱
神

明堂部位察色論

五色篇黃帝曰明堂者鼻也。闕者眉間也。庭者額也。以上

三者為內部之基蕃者頰側也。蔽者耳門也。此二者為外部之位其間

欲方去之十步皆見於外如是者壽必中百歲又曰

五色之見也各出其色部。部骨陷者必不免於病矣。

其色部乘襲者雖病甚不死矣。言五色雖決于明堂而諸骨部位宜方廣

而大者十步之外望之顯見而不隱者則壽必百歲然五色之見乃辨病之生死也故五者之色各出其

部分其何部之骨陷者必不免于病其何部之骨不陷下而僅有五色相乘襲者雖病甚亦不死也

又曰明堂骨以起平以直。言鼻為明堂其骨高以起而平以直也五藏次

於中央六府挾其兩側首面上於闕庭

天庭眉間二處也

宮

心部

在于下極

眉間之下山根之上

五藏安于胸中真色以

致病色不見明堂潤澤以清五官惡得無辯乎

又曰庭者首面也

庭者顏也即天庭也顏為額中為首面之部分顏位最上乃面之首也

闕上者咽喉也

闕者眉間也闕上眉之部分司空咽喉之部分

闕中者肺也

闕中兩眉之正中即中正肺之部分也

下極者心也

居肺之下者心也者君主之官故黃

帝曰王宮在下極下極即印堂心之部分也

面下者肝也肝左者膽也

居

心下故直下者肝之部分即山根也膽在肝之短葉間為木位東南面行令膽位在左故山根之左膽之分下者脾也方上者胃也
脾胃中央乃腎之上心之下也其位年上年上為脾

之部分直下之下為下者乃脾之位也下者之
方上者乃胃之部分也而胸中部位脾在胃上
相為表裏故中央者大腸也挾大腸者腎也當腎者
相去不遠也
臍也脾之下位壽上也大腸部分在焉其下尚有面
日脾大腸居腹之中故曰挾大腸者腎當腎者脾也
腎與大腸脾三者部分俱在壽上大腸雖在中央望
色者必以而王以上者小腸也面王以下者膀胱子
藏氣為主而王即準頭乃鼻之端也準頭在面最高又居
處也中央有王者之象故名之小腸部分居其上膀胱
胱子處部分居其下三部從此可望焉故方書曰準
頭黃小便難師傳篇曰鼻孔在外膀胱濡泄下文曰
男子色見于面王為少腹痛下為卵痛其國道為其
痛若女子當為膀胱子處之病○上文乃五藏六府
之部位下文乃額者肩也頤下高額後者臂也臂下
肢傳之部位也

者手也

下以候手。臂手節。總在額之後。以候臂。臂目內眥上。

者膺乳也

目內眥。目之近三根處。即睛明穴。足太陽經所起。乳上曰膺。乳間上曰膺。膺乳部分。

者背也

候於目。挾繩而上者背也。故曰繩。耳邊也。耳邊如繩突起。

者背也

內眥也。挾繩而上者背也。故曰繩。耳邊也。耳邊如繩突起。

者背也

義未切也。凡部分明堂為內耳旁為外。藏府為內。膺乳次之。背背為外。挾近也。故近耳邊直上之部分所。

者背也

以候背。循牙車以下者股也。牙車作頰車。足陽明之

者背也

之病。循牙車以下者股也。牙車作頰車。足陽明之

者背也

書在耳下八分取之。凡人身在上者肩背在下者中

者背也

股肱。故背節之下頰車。頰車之下。所以候股也。中

者背也

央者膝也。膝居股脛之中央。膝以下者脛也。當脛以

者背也

下者足也。脛下于膝。故膝下候脛。巨分者股裏也。巨

者背也

為言大也。上下商林大分處。以候股。巨屈者膝臑也。

者背也

裏商肱司開合。亦猶股裏任屈伸也。巨屈者膝臑也。

上下脣大爲屈。轉交接處是地會穴。在頤口旁。四分以候膝。竊也。脣爲語言飲食之門戶。亦有筋。爲屈伸奔走之關節。俱動而不休。故應焉。此五藏六府肢節之部也。而自至于膀胱。十一部。配額之左右。及額之下者。爲外部。而至膝臑。十一部。配額之左右。及額之下者。爲外部。也。其藏府配于明堂。肢節配于兩額。上下左右者。皆出靈樞經。彰彰可考。今又闕之。庶後之學者。觀圖詳病。不亦明者乎。

五閱篇岐伯曰。五官者。五藏之閱也。脈出於氣口。色見於明堂。五色更出。以應五時。各如其常。經氣入藏。必當治裏。黃帝曰。善。五色獨決于明堂。岐伯曰。五官已辨。闕庭必張。乃立明堂。明堂廣大。蕃蔽見外。方壁高。

基外垂居外五色乃治平博廣大壽中百歲

陰陽應象篇曰善診者察色按脉先別陰陽審清濁而知部分視喘息聽音聲而知所苦觀權衡規矩而知病之所生按尺寸觀浮沉滑澀而知病之所在以治則無過以診則不失矣

望形察色能知生死論

望形察色乃醫士之神妙其要皆徵於面夫面爲五官所聚而藏府之精華皆發見於面也色者精神之標也故神旺則色旺神衰則色衰神露則色露神靜則色靜是以富貴貧賤壽夭晦滯莫不呈顯於面而病成於內也故面目爲望色之部位也

色脈之陰陽陽舒而陰慘也色清而明病在陽分色濁而暗病在陰分

脈要精微曰聲合五音色合五行聲色相同然後可以

知五藏之病也。

五色篇曰。審察澤夭。謂之良工。沉濁爲內。浮澤爲外。赤爲風。青黑爲痛。白爲寒。黃而膏澤爲膿。赤甚者爲血痛。甚爲癰。寒甚爲皮不仁。五色各見其部。察其浮沉。以知淺深。察其澤夭。以觀成敗。察其散搏。以知遠近。視色上下。以知病處。

五色篇曰。以五色命藏。青爲肝。赤爲心。白爲肺。黃爲脾。黑爲腎也。肝合筋。心合脈。肺合皮。脾合肉。腎合骨也。又曰。男子色在於面。王爲小腹痛。下爲卵痛。其圓直爲

莖痛高爲本下爲首狐疝癰陰之屬也女子在于面
王爲膀胱子處之病散爲痛搏爲聚方圓左右各如
其色形其隨而下至眊爲淫有潤如膏狀爲暴食不
潔此言部分之色當分男女以知其病也男子之色
在于面王卽鼻端爲小腹病其色見于面王之下
爲陰卵痛其色見于面王之下圓而且直爲下疳痛
凡色見于面部高者爲本以男子屬陽陽在上也下
者爲首其色從上而之下似物之有首者向下而行
故病在于內卽如其色當如狐疝癰陰之屬也女子
之色在于面王當爲膀胱經及姪子處之有病卽胞
絡宮也其氣色散者爲癰而不聚成聚若氣色搏聚
不散則成聚而不止於癰然其聚之在內者或方或
圓或左或右各如其外色之形耳若其色隨而下行
至于尾骶則其病之在下者當有淫浸之潤澤如
之狀者在也不然則爲暴食間卽出不潔之物耳何

也其下行之勢
內外一致也

五藏之熱見於面者各有部分刺熱篇曰肝熱病者左
頰先赤肺熱病者右頰先赤心熱病者額先赤脾熱
病者鼻先赤腎熱病者頤先赤

又曰心病者額赤腎病者額與顏黑

脈要精微篇曰夫精明五色者氣之華也赤欲如白裏
朱不欲如赭白欲如鶩羽不欲如鹽青欲如蒼璧之
澤不欲如藍黃欲如羅裏雄黃不欲如黃土黑欲如
重漆色不欲如地蒼愚按謂如裏朱鶩羽蒼璧羅裏

雄黃重漆。各色皆明而潤澤也。赭鹽藍黃土地蒼。各色皆暗晦而沉滯也。

五藏生成篇曰。五藏之氣色見青如草滋者死。黃如枳實者死。黑如炁者死。赤如衄血者死。白如枯骨者死。此五色之見死也。愚按。謂其色深沉滯而枯。故死也。是以脈經言。病人面黃目青者不死。如草滋者死。面黃目赤者不死。赤如衄血者死。面黃目白赤者不死。白如枯骨者死。面黃目黑者不死。黑如炁者死。而目俱等者不死。此王叔和皆取其色鮮潤澤爲不死色。

溪枯暗爲死也。

又曰青如翠羽者生赤如雞冠者生黃如蟹腹者生白如豕膏者生黑如鳥羽者生此五色之見生也愚按謂其色深故病以其明潤故不死也。

又曰生于心如以縞裹朱生于肺如以縞裹紅生于肝如以縞裹紺紺深青色生于脾如以縞裹括括黃實生于腎如以縞裹紫此五藏所生之外榮也愚按縞素帛絹也裹以朱紅紺黃紫之色於內其光澤淺潤映輝於外猶面之氣色由肌肉內而透見於外有神氣之

榮澤故爲平也

脈經曰診寒熱瘰癧目中有赤脈從上下至瞳子見一脈一歲死見一脈半一歲半死見二脈二歲死見二脈半二歲半死見三脈三歲死

論疾診尺篇曰嬰兒病其頭毛皆逆上者必死

脈經曰人病恐怖其脈如循絲累累然其面白脫色人媿者其脈浮而弱面形乍白乍赤人不飲其脈澀而唇口乾燥也言遲者風也搖頭言者其裏痛也行遲者其表坐而伏者短氣也坐而下一膝者

必脈實護腹如懷卵者必心痛 師持脈病人
欠者無病也脈之因伸者無病也 假令向壁卧聞
師到不驚起而目盼視若三言三止脈之咽唾此謂
詐病 假令脈自和處言此病大重當須服吐下藥
針灸數十百處乃愈

難經曰經言見其色而不得其脈反得相勝之脈者卽
死得相生之脈者病卽自已色之與脈當參相應爲
之奈何然五藏有五色皆見於面亦當與寸口尺內
相應假令色青其脈當弦而急色赤其脈浮大而散

色黃其脈中緩而大色白其脈浮濇而短色黑其脈

沉濇而滑此所謂五色之與脈當參相應也五藏五

心赤脾黃肺白腎黑也若一色現於面即當與寸關尺脈之相應是色與脈當參相應也假如青色現於面其脈弦而急是肝之順脈此相應也其餘倣此而推之脈數尺之皮膚亦數脈

急尺之皮膚亦急脈緩尺之皮膚亦緩脈濇尺之皮

膚亦濇脈滑尺之皮膚亦滑尺者臂內尺澤穴是也數心脈急肝脈緩脾脈

濇肺脈滑腎脈假如脈數而臂之皮膚亦數是脈與皮膚內外相應故無病若脈滑而臂之皮膚反濇是

皮膚與脈內外不相應者故病也五藏各有聲色臭味當與寸口尺

內相應其不應者病也肝脈弦其色青其聲呼其臭臊其味酸心脈洪其色赤其

聲笑其臭焦其味苦脾脈緩其色黃其聲歌其臭香
其味甘肺脈清其色白其聲哭其臭腥其味辛腎脈
滑其色黑其聲啼其臭腐其味鹹此謂相應也假令
肝病色白多哭好辛喜腥此謂不相應也聲色臭味
皆肺之症金尅木
日照邪故病也 假令色青其脈浮濇而短若大而

緩爲相勝浮大而散若小而滑爲相生也

色青是肝木其脈浮

者而短是肺強金尅木也是爲賊邪若大而緩是脾
旺木尅土也是爲微邪此二者皆謂之相勝浮大而
散是心脈本生火也若小而滑是腎脈水生
木也二者皆謂之相生也餘色倣此而推

按色與脈猶須分別生尅色脈相尅者凶色脈相生者

吉然猶有要焉色尅脈者其死速脈尅色者其死遲
色生脈者其愈速脈生色者其愈遲故曰能合色脈

可以萬全

若夫久病之色必有受病之應肺熱病者色白而毛敗
應之心熱病者色赤而絡脈應之肝熱病者色蒼而
爪枯應之脾熱病者色黃而肉瞤動應之腎熱病者
色黑而齒槁應之

更有平人久見病色其人原不病者醫者心炫而竊疑
之殊不知此乃絡脈之色不足畏也蓋陰絡之色隨
其經而不變色之變動無常者皆陽絡之色也寒多
則凝泣凝泣則青黑熱多則淖澤淖澤則黃赤內經

謂此皆無病也。何炫疑之有。

又有矢睡之人。神有饑色。喪亡之子。神有呆色。氣索則神失。所養爾小兒。佈痘壯火內動。兩目先現水晶光。不俟痘發。治以大劑壯水。以制陽光。俾毒火一線而出。不致燎原。可免劫厄之禍也。

四診脉鑑大全卷之二

雲間浩然子惠源王宏翰著

男 聖來王兆文

聖發王兆武

聖啟王兆成較

聞聲審音能知生死論

人之所以主持一身者惟氣與神爾神以氣爲舍若氣散則神離而身死矣聲者氣之從喉舌而宣於口者也呼出心與肺吸入腎與肝人之聲音有從丹田中

來者其聲悠遠而長。其人壽。若從上部來者其聲淺短而無力。其人夭。此平人之稟受不同也。若病人之聲須辨外感內傷。新病久病。清濁輕重長短之別。及五藏五音之聲。若能審音明確。則可以知人之壽夭。決病之死生也。是以古人有聞隔垣之呻吟。叫哀。未見其形。先得其情。豈非聞而知之謂神也歟。

外感者其聲先輕後重。高勵有力也。內傷者其聲先重後輕。沉困無力也。聲濁而氣急者是痰壅滯於胸膈也。聲清而緩者是內元有寒也。新病之人

聲不變。小病之人聲不變。惟久病苛病其聲乃變。迨聲變其病機顯呈而莫逃也。或有外感風寒。因不戒大葷厚味。以致聲啞而喉痛者。又不可不辨也。五聲以應五藏。金聲響。土聲濁。木聲長。水聲清。火聲燥也。

五音。宮商角徵羽也。五聲之情。呼笑歌哭呻也。可以驗五藏之虛實。肝木在音爲角。在志爲怒。在聲爲呼。在變動爲握。心火在音爲徵。在志爲喜。在聲爲笑。在變動爲憂。脾土在音爲宮。在志爲意。在聲爲歌。在變動

爲噦。肺金在音爲商。在志爲憂。在聲爲哭。在變動爲咳。腎水在音爲羽。在志爲恐。在聲爲呻。在變動爲慄。變動者。遷改其常志也。以一聲之微。分別五藏之所來。以五藏之變動。得察病之善惡。以知病之生死也。喘粗氣熱爲有餘。喘急氣寒爲不足。息高者。心肺之氣有餘。吸弱者。肝腎之氣不足。聲大而緩者。苦病脾。聲輕而勁者。苦病肺。聲調而直者。苦病肝。聲和而美者。苦病心。聲沉而深者。苦病腎。

脈要精微曰。五藏者。中之守也。中藏盛滿。氣勝傷恐也。

聲如從室中言者是中氣之濕也。謂言而微終日乃復言者此奪氣也。謂衣被不歛言語善惡狂言亂叫不避親疎者此熱極神明之亂也。

或稱神說鬼踰牆上屋此痰壅心膈也。或音聲遽失是肺氣絕也。

金匱曰病人語聲寂寂然時驚呼者骨節間病也。然者

不欲語而欲嘿也。靜嘿統屬三陰。此厥陰之病何以知之。厥陰在志爲驚。在聲爲呼。病本寂寂然然而有時驚呼故知在厥陰則病必語聲喑喑然不徹者。心深入下焦骨屬筋節間病也。語聲喑喑然不徹者。心隔間病也。喑喑然不徹聲出不揚也。乃胸中大氣塞不轉出入升降之機無而不舒故知病

在中焦胸

語聲啾啾然細而長者頭中痛也

啾啾乃聲

膈間也。白下焦陰分而上，緣足太陽主氣，與足少陰為表裏，所以腎邪不刺頸而運得從太陽經脈直攻于上，則腎之聲為呻。今腎氣從太陽經脈直攻于上，則腎之呻並從太陽變動而啾啾細長為頭中痛也。

肩者心中堅

息搖肩者，呼氣粗大上竄，致肩搖動，乃心中邪實堅也。

息引胸中

上氣者欬

上氣為逆，至息引其胃中之氣，上逆而欬也。

息張口短氣者肺

痿唾沫

張口短氣者，短氣虛也。張口者，是有涎沫阻遏，不容氣逐之勢，則必肺氣不通而為肺痿。

唾沫也。以上曰息三者，蓋出氣雖大，中無小還，不能大呼，故揭出搖肩，息引張口六字，而病之在呼者宛

然，然不得但言呼也。

察色審音秘授百病生死訣

各病之形色音聲決生死之要旨。載在諸書。散漫難稽。愚推而綱次焉。訣述一編。將分註於下。以授子弟之要訣也。今一併刊入。使後學共勤濟世務。熟讀而深思。庶得博約之要。臨症了然。決生死判死。自有神明之用。慎毋忽之。

望色審音知吉凶。醫能精此可通神。先從部位分生尅。

次究形聲察病因。

天庭黃赤上焦熱。紫色中焦氣病侵。青白知是下焦冷。

黑貫年顴死必真。

勝經曰。黑氣出天中。下至年上顴上者死。又曰。黑色出於顴上髮際。

下直鼻脊兩顴上者亦死。在五日中午。

日角

左眉上也。

主肝翠羽色黑青傷冷及風寒黃色肝虛須

要補。白時秋季少平安。

月角

右眉上也

主胃。四季看胃氣不和。黃色現黃兼赤色胃

家熱。紫色毒氣積病纏。

膽胃

左右眉上

黑色春日疾。四季發青木旺刑。

眉中色現青赤黑。遠候還須半年期。近看三五七日內。忽然暴死更無疑。

若然白色連眉目。知是皮膚肺疾微。

黃色入目一年期。黑色從眉繞目悲。

青若針橫於目下。

青色如針橫于目下

赤連耳鼻死須知。

黑色目鼻下相接惡候須看月未時

目下五色筋疾現竟歸冥府不差移

兩顴赤色如母指病雖小愈必卒死庭部

前髮際下曰天庭乃首面

之位也

黑色如母指不病之人亦卒死

靈樞五色篇曰赤色出於庭大如

如母指者病雖小愈必卒死黑色出於庭大如母指者必不病而卒死此四句言暴病見色之應也

目色赤今病在心白肺黃脾黑在腎色青知是病於肝

黃不可名胸中病

脉經曰目色赤者病在心白在肺黑在腎黃在脾青在肝黃色不可

名者病胸中

目病赤脈亦須知從上而下太陽治從下上者陽明症

四診脈鑑

卷之二

察色審音訣

五

從外入內少陽是病也。從下上者陽明病也。從外入

內者少陽病也。

面赤目青及目白。

脈經曰：病人面赤目青，六日死。又曰：面赤目白，十日死。憂悲思慮，心氣內

索，面色反好，急求相察。

面青目白與目黃。

脈經曰：病人面青目白者死。又曰：病人面青目黃，五日死。

面白目黑榮華脫。

脈經曰：病人面白目黑者死。此謂榮華已去，血脈空索。

面黑目白總皆亡。

脈經曰：病人面黑目白者，八日死。腎氣內傷，病因留積，一日命門敗也。

面黃目青酒喪身。

脈經曰：病人面黃目青者，九日死。是為亂經，飲酒當風，邪入腎經，臟氣妄

滑，目則為青。雖有天救，不可復生。愚按：黃為中土之色，病人面目顯黃色而不受他色所侵，則吉。面目無

黃色而受他色所侵則凶然目色之黃乃濕深熱其
未可論于死生之際也今面黃目青乃木來尅土胃
氣受傷欲絕之兆也
死在九日而已也

面黃目赤保無刑

脈經曰面黃目赤者不死赤如鮮血者死

面黃隱隱胃氣存目皆黃色病欲亨

脈經曰病人兩目皆有黃色起者其

病方愈

面色忽然望之青近之如黑豈能生

脈經曰病人及健人面忽如馬肝色

望之如青近之如黑者死一曰肝腎絕也

面無精華如土色不能飲食四日傾

脈經曰病人面無精光若土色不受

飲食者

四日死

目無精光齒齲黑

脈經曰病人目無精光及牙齒黑色者不治

眼眵忽陷亦難生

脈經曰病人陰陽竭絕目眵陷者死

面肥色白氣虛痰黑而且瘦陰火旺

肥白必多痰氣虛黑瘦必內熱火旺

面黃目黃似烟熏溼熱積久黃疸形

面有白點腹蟲積面腫肩息下利死

金匱曰上氣面腫肩息脈浮大不治即利死

面色薰黃經不調眼眵灰色崩帶擾

骨蒸熱積久而面黃枯面色黃而經不

調也崩則血脫結久則下元虛目為五藏之精華若虛脫則精華不能上榮故色見如灰也

耳目口鼻黑色起入口必死定難當黃黑白色起入口

更穿口鼻死相期
張經曰病人耳目口鼻口有黑色起入于口者必死○又曰病人及健

人黑色若白色起入目及鼻以死在三日中。○戴司
父曰按明堂察色入門戶為凶所謂門戶者關庭時
門戶日肝門戶耳腎門戶目心脾門戶若有色氣入
者皆死白色見衝眉上肺有病入關庭夏死黃色見
鼻上者脾有病入口者春夏死青色見人中者皆有
病入口者秋死黑色見額上者腎有病入耳者六
死赤色見頤者心有病入口者冬死蓋五藏五
色各入本藏門戶至被剋之時為死期之日也

黑色絲環左太陽元氣損而傷風寒赤色知是心藏熱
下元虛羸黃白兼若見紅黑面如桃腸胃積熱毒痢
遭

右太陽肺白羽容青黑為傷寒與風白色傷肺多咳嗽
肺熱原因赤色隆

心額正色雞冠赤小腸心熱赤瘀色病爲煩躁口舌瘡
急宜涼藥解其疾

額上赤青唇帶白中風之疾恐難釋

紅粉塗額腰俞痛桃花染頰症傳尸

骨蒸勞瘵鬼症傳尸陰火炎頰赤似桃花

飛廉見於額鼻間男痔瘡而女產厄

赤蟲遊於目窠下婦人產內定遭刑

孕婦目下赤色似蟲形必患產難

痰飲爲患眼眶黑顴頰赤黑必傷生

肉輪屬脾今眼眶色黑者乃痰飲在

脾胃也

年壽眼堂橫絳氣須知疝症與腸疼

年上色少爲吉兆其餘四色少安寧

印堂青色必是傷腎經脇下痛須詳若然赤色內傷生
吐衄腸紅血症臨紫色肺經傷風證諸般痰喘要詳
明黃者必是心腹痛廖白之時定遺精欲知痞癖灰
黑生色枯憔悴骨熱蒸

鼻青腹冷痛難忍黑色須知水疾侵黃者胸中多痰積
白時亡血死來侵赤必是風多熱極專須治療莫沉
吟金匱要畧曰鼻頭色青腹中痛苦冷者死鼻頭色
微黑者有水氣色黃者胸上有寒色白者亡血也
微赤非時者死言謂仲景出精微一法其要在中
央身軀母亦以鼻準在天爲鎮星在地爲中巖木金

水土四藏病氣必歸於中土耶其謂鼻頭色青腹中
若冷痛者死此一語獨刊于古後人每恨率病論亡
莫由仰迺淵源不知此語正其大旨也蓋厥陰肝木
之青色挾腎水之寒威上微于鼻下微于腹是為暴
病頃之亡陽而卒死耳謂鼻頭色微黑者有水氣
又互上句之意見黑雖為腎陰之色微黑且無腹痛
但主水氣而非暴病也謂色黃者胸中有寒寒字
傷寒論中多指為痰言胸中有積痰也謂色白者
亡血白者肺之色肺主上焦以行榮衛榮不充則鼻
色白故知亡血也謂設微赤非時者死火之色歸
於土何遽主死然非其時而有其氣則火非
生土之火乃尅金之火又主藏燥而死矣

蘭臺廷畔有紅絲定是遺精白濁人

孕婦準頭若發火產中之厄必難逃

娠妊溝洫常青色雙生之喜可預決

人中色見赤爲凶忽然青色禍相從赤色變青一日死
半年一月三五逢

五色口邊繞巡死惡候相侵命必亡

產母口邊有白色近期七五日中午

口角白乾病將至脣口廻煤死不難

久病脣紅定難療耳輪焦黑命將亡

命門耳之下垂枯黑骨中熱白肺黃脾紫腎殃

地閣又主膀胱疾青白冷兮黃赤熱

肝病皮黑庚辛死心病目黑壬癸亡脾病脣青怕甲乙

肺病頰赤并目腫死厄何能出丙丁腎病面腫及唇

黃死在脾家戊己鄉

脈經曰肝病皮黑肺之日庚辛

病唇青肝之日甲乙死肺病頰赤目腫心之日丙丁死腎病面腫唇黃脾之日戊己死

以上色診俱明白再看形狀生死殃

病人目陷口如魚氣出不返命飛揚

脈經曰病人陰陽

又曰病人目如魚口不能復閉而氣出多不反者死又曰肺絕口張氣出而不還者三日死

直視上視眼如盲眼小目瞪命必亡

王浩然曰五藏之精華皆上注于目

或眼胞忽陷或直視或上視或如盲眼小目睛等形皆係五藏內敗陰陽竭絕之徵此總言目形內惡之

也

肝經

面青伏卧目視青泣出不止肝氣絕

八日死何以知之

面青但欲失眠目視而

小腸經

髮直如麻難曲伸自汗不止六日死

善怒者死又曰髮

直者十五日死又曰病人小腸絕六日死何以知之

髮直如乾麻不得屈伸自汗不止也中藏經曰筋絕

髮如麻善怒不調者死髮直者十五日死但骨肉筋

腸如麻心腎不調者死十一絕又有腎絕大便赤澀

下血不止耳乾脚浮舌腫六日死足腫九日死肝絕

汗出如油是腎不安伏卧目直而青八

日死胃絕筋齒露面黃七日或十日死

脾經

目傾瞻絕七日喪眉髮衝起亦傷殘

脈經曰病人眉系

病人胃與髮

衝起者死

胃經

卷之二 雜色書音義

上

經

人中盡滿兼唇反三日之期脾絕鄉

脈經曰病人唇青人中反三日死又

日唇反人中滿者死二十四難謂唇反則肉先死甲

日篤乙日死內經曰脾主肌肉其華在唇其竅在口

脾肉絕則肉滿唇反脈經

又曰病人唇腫齒焦者死

勝脫絕

唇青體冷及遺尿背向飲食四日期

脈經曰卧遺尿不覺者死一日勝脫

絕也

陰陽

齒如熟豆陰陽竭

脈經曰陰陽俱竭其齒如熟小豆其脈躁者死又曰齒忽變黑者十三日

死

壯絕

鼻衄鼻爛皆肺絕

鼻衄血如流不止或鼻筒如鼻動者皆肺家衰絕之候也

腮頰縮陷病雖輕遲延日久必喪身

凡病人面之兩頰腮陷下縮入者病

雖輕不能即愈。若遲延日久而必死也。此法凡傷寒及大病者驗之無不應也。

腎經 項方手轉命須殂。脈訣曰：腎脈絕也。

肝經 舌卷囊縮壽無多。二十四難曰：足厥陰氣絕則筋縮引。合也。宗筋聚于陰器而絡于舌本。故脈不榮即筋縮。急筋縮急即引。卵與舌故舌卷囊縮。此筋先死。庚日篤辛日死也。脈經曰：舌卷卵縮者必死。

脾經 面紫而視肩息死。脈經曰：目回直視肩息者一日死。二不通則色澤去。故面色黑如焦。此血先死。壬日篤癸日死。

肺經 面腫蒼黑也難逃。脈經曰：病人卒腫其面蒼黑者死。

心經 妄言錯亂及不語。脈經曰：妄語錯亂及不能語者不治。熱病者可治。

四診脈鑑 卷之二 審音察色訣 士

尸臭原知壽不高

病人臭氣觸人也。脈經曰：尸臭者不可治。

心中冷氣囊莖腫

脈經曰：陰囊莖俱腫者死。

臍突臍反俱入墓

脈經曰：病人臍腫反出者死。

爪甲青黑白皆死

脈經曰：病人爪甲青者死。又曰：爪甲白者不治。又曰：手足爪甲下肉黑者。

八日死

汗如貫珠陰陽絕

二十四難曰：六陽氣俱絕，則陰與陽相離。陰陽相離，則腠理泄，汗流出，大

如貫珠，轉出不流，即氣先死。且占久死，又占旦死。

脊痛腰重反覆難，此是骨絕五日

脈經曰：病人骨絕五日死。何以知之？

脊痛，脊中重，不可反覆，升誤曰：骨絕，脈經謂胃絕，但脊腰乃腎病，故從升誤。

身絕

身乾舌腫大便泄溺血肉絕六日亡脉經曰病人肉絕六日死何以知之

足絕

口冷足腫腹熱脹泄利不覺脾死絕脉經曰病人脾絕十二日死何以知之

筋絕

手足爪青呼罵多筋絕九日應難過脉經曰病人筋絕九日死何以知之

手足爪甲青呼罵不休

足趺趾腫膝如斗十日應知難保守脉經曰足趺上腫兩膝大如斗者十日

死

陰絕

撮空譫語陰陽絕脉經曰陰陽俱絕掣衣撮空妄言者死又曰循衣繞臑譫語者不治

掌內無紋命亦竭脈經曰病人手掌腫無紋者死脈訣云心胞絕也

五藏已奪神明亂聲嘶定知魂魄絕脈經曰病人五藏已奪神明不守聲

嘶者

死

卧遺尿糞不覺死脈經曰病人卧遺尿不覺者死

汗出不流舌卷亡脈經曰汗出不流舌卷者死按汗乃心液舌乃心之苗此心絕所致也

脈浮而洪汗如油水漿不入喘不休形體不仁乍靜亂

命絕醫人無好手以下各條俱出仲景傷寒內經曰大則病進脈浮而洪邪氣勝也身

汗如油喘而不休肺氣絕也水漿不入胃氣盡也形

體不仁謂痛痒不知榮衛絕也針經曰榮衛不和故

為不仁爭則亂安則靜正與邪爭正負邪勝也肺氣

敗胃氣盡榮衛絕邪獨勝故曰命絕也○王宇泰曰

火之將滅也必明脈來涌盛此將脫之兆也然又兼下各條一二症方可斷其命絕○王浩然曰如脈浮而洪兼汗出如油喘而不寧是死症也或脈浮而洪兼水漿不人躁亂不寧之等推斷之危死

汗出髮潤喘不休肺藏將絕根尋究肺主氣為津液之者津脫也氣出喘而不休是肺氣脫絕之候也

陽反獨留體如熏直視搖頭心絕候心主血肺主氣血為陰氣為陽陽盛

則身熱如灼血受燥枯而氣獨在也則血枯不榮而形體如烟熏也心脈使咽系目直視者心絕之候頭

為諸陽之會搖頭者陰竭而陽無根也

肩吻反青木乘脾四肢槩習肝氣絕肩吻為脾之候脾主四肢肝主筋肝

筋絕則真色見於所勝之部則筋脈引急發於所勝之分也槩習者為振動若搖擗手足時時引縮也

脾

環口鰲黑榮華去柔汗發黃脾敗竭

脾主口唇若精華去故環口鰲黑也

柔為陰柔汗冷汗也脾胃為津液之本陽氣之宗也今脾絕則陽脫故冷汗出而發黃者真色見也

腎絕洩便多遺失狂言反目直視的

腎司固閉禁固便溺腎藏志骨之精

上為髓子今腎絕則不能約制洩便而遺失也志不守則狂言妄亂骨精竭而不能上榮於髓子故目反

直視而不轉動也

耳目口鼻有血出病為下厥上竭亡

少陰經病誤發汗動其陰血則血妄

行使血從耳目口鼻或發中大小便俱出者名曰上竭下厥者死也

牙疳齒落并穿腮腎水衰竭火焚死

陽氣先絕陰後竭其人身死必青色陰氣先絕陽後竭

身赤腋溫心下熱

陽主熱而色赤陰主寒而色青其

故曰陰氣後竭也若身赤腋下溫心下熱則陽未盡
乎體故曰陽後竭也蓋經曰人有兩死而無兩生此
之謂也

五藏氣絕便不禁

要畧曰六府氣絕於外手足寒
五藏氣絕於內下利不禁

六府氣絕腳冷縮

形色兩參不差謬再從脈理細尋究吉凶生

醫稱神妙十全九

形脉相反歌

健人脉病號行尸。病人脉健曰內虛長短瘦肥皆體察。

脉症相違病可虞。

內經曰形氣有餘。脉氣不足。生仲景曰脉病。

人不病名曰行尸。以無王氣卒然仆不識人。則死。人病脉不病名曰內虛。以無殺氣。雖困無苦。○脉經曰。人病脉不病者。生。脉病人不病者。死。○仲景曰。肥人責浮。瘦人責沉。肥人當沉。今反浮。故責之。瘦人當浮。今反沉。故責之。脉經曰。當視其人大小長短。緩急。脉之遲速。大小長短。緩急。如其人大小長短。緩急。人之形性相類。為吉。相反為逆。肥人脈細。瘦人脈大。絕者死。前言形脉相反。又有脈病相反。帶經所謂脉不應病。病不應脉者。是也。素問曰。形盛脉細。少氣不足。以息者死。形瘦脉大。胸中多氣者死。形氣相得者生。參伍不調者病。形肉已脫。九候雖調。猶死。

四診脉鑑大全卷之二